



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Ustavno-pravna komisija

Broj: 02/1-011-465/02

Sarajevo: 09.05. 2002.god.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Primitjeno:	09.05.2002. godine	
Org. jed.	Broj:	Vrijednost
02/1-	011-	465/02

Z A P I S N I K

sa 18. sjednice Ustavno-pravne komisije Doma naroda Parlamentarne skupštine Bosne i Hercegovine, održane 09.05.2002.god.

Sjednica je počela sa radom u 12: 00 sati.

Sjednici su prisustvovali članovi komisije: Ibrahim Spahić, Šefik Džaferović, Niko Sušac i Dragutin Rodić. Sjednici nisu prisustvovali članovi komisije Ivo Živković i Nikola Špirić koji su bili opravdano odsutni.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Ibrahim Spahić. Pored članova komisije sjednici su prisustvovali i predstavnici Predsjedništva BiH i Vijeća ministara BiH, kao i predstavnik UN-a.

Za sjednicu je predložen i jednoglasno usvojen sljedeći

D N E V N I R E D :

1. Zakon o gradu Sarajevu, glavnom gradu BiH – predlagač delegat Ibrahim Spahić;
2. Zakon o odlikovanjima BiH – predlagač Vijeće ministara BiH;
3. Zakon o ravnopravnosti i jednakopravnosti spolova u BiH – predlagač Vijeće ministara BiH;
4. Zakon o izmjeni zakona o industriskom vlasništvu u BiH – predlagač Vijeće ministara BiH;
5. Zakon o Agenciji za informacije i zaštitu BiH – predlagač Predsjedništvo BiH;
6. Nove predstave;
7. Tekuća pitanja.

Ad.1. Zakon o gradu Sarajevu, glavnom gradu BiH – predlagač delegat Ibrahim Spahić

Komisija je razmatrala navedeni zakon u skladu sa članom 78.2 i 79.1. Poslovnika Doma naroda Parlamentarne skupštine BiH (usklađenost zakona sa Ustavom Bosne i Hercegovine) i jednoglasno zaključila da postoji ustavni osnov za donošenje ovog zakona te ga upućuje u dalju proceduru u skladu sa Poslovnikom Doma naroda.

Ad.2. Zakon o odlikovanjima BiH – predlagač Vijeće ministara BiH

Komisija je razmatrala navedeni zakon u skladu sa članom 78.2 i 79.1. Poslovnika Doma naroda Parlamentarne skupštine BiH (usklađenost zakona sa Ustavom Bosne i Hercegovine) i

jednoglasno zaključila da postoji ustavni osnov za donošenje ovog zakona te ga upućuje u dalju proceduru u skladu sa Poslovnikom Doma naroda.

Ad.3. Zakon o ravnopravnosti i jednakopravnosti spolova u BiH – predlagač Vijeće ministara BiH

Komisija je razmatrala navedeni zakon u skladu sa članom 78.2 i 79.1. Poslovnika Doma naroda Parlamentarne skupštine BiH (usklađenost zakona sa Ustavom Bosne i Hercegovine) i jednoglasno zaključila da postoji ustavni osnov za donošenje ovog zakona te ga upućuje u dalju proceduru u skladu sa Poslovnikom Doma naroda.

Ad.4. Zakon o izmjeni zakona o industriskom vlasništvu u BiH – predlagač Vijeće ministara BiH

Komisija je razmatrala navedeni zakon u skladu sa članom 78.2 i 79.1. Poslovnika Doma naroda Parlamentarne skupštine BiH (usklađenost zakona sa Ustavom Bosne i Hercegovine) i jednoglasno zaključila da postoji ustavni osnov za donošenje ovog zakona te ga upućuje u dalju proceduru u skladu sa Poslovnikom Doma naroda.

Ad.5. Zakon o Agenciji za informacije i zaštitu BiH – predlagač Predsjedništvo BiH

U raspravi o ovoj tački dnevnog reda učestvovali su svi članovi komisije, kao i predstavnik Predsjedništva BiH I gospodin Gravel ispred UN-a. Komisija je ovaj zakon razmatrala kao nadležna komisija u produženom amandmanskom roku. Tri amandmana na Zakon uložili su delegati Nikola Špirić i Momčilo Novaković. Komisija je jednoglasno prihvatila amandmane koji su postali sastavni dio teksta zakona I koji komisija dostavlja Domu naroda u dalju proceduru.

Amandman I

Član 2. mjenja se i glasi:

Agencija je samostalna institucija BiH i za svoj rad odgovorna je Parlamentarnoj skupštini BiH. Agencija je obavezna podnositi izvještaje o svom radu Predsjedništvu BiH i Savjetu ministara BiH.

Amandman II

Član 15. mjenja se i glasi:

Prilikom obavljanja poslova koji spadaju u djelokrug njihovih aktivnosti, službenici Agencije iz odjeljenja za zaštitu vrlo važnih lica (VIP) kao i Odjeljenja za zaštitu diplomatsko-konzularnih predstavništava i objekata institucija BiH će primjeniti policiska ovlašćenja hapšenja i pritvaranja u slučajevima koja ne trpe odlaganja, ali će ov nadležnim policiskim institucijama Entiteta i Distrikta Brčko BiH ili drugim institucijama BiH.

Amandman III

Član 29. mjenja se i glasi:

U cilju zaštite obavještajnih izvora i drugih povjerljivih podataka i operacija od neovlašćenog razotkrivanja, Agencija će djelovati u skladu sa zakonom o zaštiti podataka i evropskim standardima.

Zakon BiH o zaštiti ličnih podataka će se primjenjivati na rad Agencije.

Ograničenja iz predhodnog stava koja se odnose na podatke vezane za Agenciju i njen rad se ne odnose na članove Predsjedništva, Savjeta ministara ili Nadzornog tijela Parlamentarne skupštine.

Ad.6. Nove predstavke

Članovi komisije su jednoglasno odlučili da se sazove posebna sjednica Ustavno-pravne komisije Doma naroda koja će se baviti samo pitanjima predstavki i peticija na kojoj će biti obuhvaćene sve predstavke, kako nove tako i stare.

Ad.7. Tekuća pitanja

Pitanja nije bilo.

Zasjedanje 18.sjednice Ustavno-pravne komisije Doma naroda Parlamentarne skupštine, završeno je u 13:30 sati.

**Predsjedavajući Komisije
Ibrahim Spahić s.r.**